



Inatsisartunut ilaasortaq, Anders Olsen, Siumut
/Maani

**Kiffartuussinermi isumaqatigiissutit pillugit § 37 naapertorlugu
apeqquteqaammut 2021-064 akissut**

11-06-2021
Sags nr.: 2021 - 10736
ID. nr. 64949883

Asasara Anders Olsen, Siumut

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Inatsisartut Suleriaasianni § 37 naapertorlugu kiffartuussinermi isumaqatigiissutit pillugit Naalakkersuisunut apeqquteqarputit. Apeqqutitit uannit akineqartussatut innersuunneqarput. Apeqqutitit matumap kinguliani ataasiakkaarlugit allanneqarput, akissummillu malitseqarlutik.

**Apeqqut 1: Aappilattumut, Tasiusamut Narsarmijinullu ilaasunik angallasserit
apriliimiit junip 25- ata tungaanut uninnganerat sumik tunngaveqarpa?**

Akissut: Aningaasaqarnermut Akileraartarnermullu Ataatsimiititaliap akuersissuteqarnerisigut, ilaasunik angallassineq pillugu Disko Line A/S-imut kiisalu Air Greenland A/S-imut kiffartuussinissami isumaqatigiissutit Naalakkersuisut akuersissutigaat.

Marlunnik periutsimik tunngaveqarluni Kujataani umiarsuarnik qulimiguulinnillu angallassisarnerup ingerlatiinnarneqarnissaa, isumaqatiginninniarnissami piginnaatitsissummi pingaartinneqarpoq.

Angallassinissami pilersaarut naapertorlugu nunaqarfiit taakku pineqartut ukioq kaajallallugu angallassinissamik periarfissiinngimmat ilumoorpoq. Nanortaliup nunaqarfii ukioq kaajallallugu umiarsuarnik sullinneqarsinnaannginnerat, qulimiguulimmilu inissat tamakkerlugit atorneqartarnerat patsisaavoq. Sapaatip akunneranut arlaleriarluni ullormi ataatsimi Nanortalimmut angallassisoqartarnissaanik pilersitsisoqarnissaa ilaatigut annertuumik pingaartinneqarpoq, tamannali qulimiguulimmi inissanut, angallassinissamilu pilersaarutit naleqqussarneqarsinnaanissaanut unammillernarpoq.

Ukioq kaajallallugu angallassisoqartannginnera naammagisimaarnanngilaq. Sumiiffinnut tamanut ukioq kaajallallugu angallassisoqartarnissaata qulakkeerneqarnissaa, Naalakkersuisut annertuumik pingaartippaat.

Taamaattumik aaqqiissutaasinnaasumik naalakkersuisoqarfiga ujartuivoq. Taamaattumik naatsorsuutigaara, Nanortaliup nunaqarfiinut ukioq kaajallallugu angallassisoqartalernissaanut ilusissamik kingusinnerpaamik aggustip qaammataani saqqummiissallunga.

Massakkut ingerlatsisunut isumaqatigiissutit iluini, ilutsimik nassaartoqarnissaa anguniarpara, angallassinissamili pilersaarutit, sumiiffimmilu tikitassat sinnerinut ullormi ataatsimi angallassisarnerit ilaatigut allannguiffiqineqartariaqassasut ilimanarpoq.

Aningaasaliissutaareersut saniatigut aaqqiissutissaq aningaasaqarnikkut kinguneqassasoq paasinarsissappat, suliap Inatsisartut Aningaasaqarnermut Akileraartarnermullu Ataatsimiititaliaanit akuerisassanngorlugu saqqummiunneqassaaq.

Apeqquut 2: Naalakkersuisut Aappilattumut, Tasiusamut Narsarmijinullu ilaasunik piaarnerusumik angallassisoqarsinnaanera sulissutiginiarpaat?

Akissut: Apeqqutip 1-ip akissutaa takuuk.

Neriuppunga apeqquateqaatitit qulaani allaqqasuni akineqartut.

Inussiarnersumik inuulluaqqusillunga


Naaja/H. Nathanielsen